

Suoma stuorámus ja čábbásamos gielda Anár lea Suoma riikkaidgaskkalamos árktalaš eallima guovddáš Davvi-Lappis. Anár lea mánggakultuvrralaš ja šaddi, badjel 6800 ássi gielda, gos leat buorit girdinoktavuođat sihke viiddes gávppálaš ja almmolaš bálvalusat. Suoločielggi turismaguovddáš, goargadis ja stuorra Anárjávri sihke áibmadas meahcceguovllut oktan asttuáiggevejolašvuođaiguin birastahttet gielddaguovddáža, Avvila.

Anára gieldda árrabajásgeassimis mii deattuhat biras- ja luonddubajásgeassima, gielaid riggodaga sihke lihkaideami mearkkašumi máná bajásšaddamii, ahtanuššamii ja oahppamii.

**Anára gieldda čuvgehusdoaimma ohcá ođđasit 26.2.2021 dmu 15.00 rádjai
BEAIVERUOVTTUHOAVDDA Anára beaiveruoktot 15.3.2021 rájes dahje soahpamuša
mielde**

Boađe Anára kirkosiidii jođihit Anára beaiveruovttu. Beaiveruovttuhoavdan vástidat beaiveruovttu pedagogihka, bargoveaga ja ekonomiiija jođiheamis sihke áššehasbarggus ja doaimma ovddideamis. Anára beaiveruoktot gullet golbma beaiveruoktojoavkku, main okta lea davvisámegiela joavku ja ovttas lágiduvvo maiddá eahket- ja vahkuloahppadikšun.

Atnit árvvus árrabajásgeassima jođiheami čeahpes ámmátolbmo; barggat ovddidanmieđis ja oassálahtti bargovugiin, máhtát organiseret ja bargat mearrádusaid ja dus lea dáidu doaimmat rievdi diliin, dus leat streassagierdannákca ja maiddá buorit ráđđádal- ja gulahallandáiddut sihke TVT-čehppodat. Lassin atnit árvvus vásáhusa árrabajásgeassima jođihanbargguin. Geahččat ovdun sáme kultuvrra dovdam ja maiddá davvisámegiela ja eangalsgiela máhtu.

Leat Anára gieldda árrabajásgeassima hovdenjoavkku oassi, gos bargat oktasašbarggu olles árrabajásgeassima ovddideami várás kollegaiguin, bargoservošiin ja sierra doaimmiiguin. Fállat dutnje oahpásmahttima bargui, jođiheami doarju ráhkadusaid ja bálvalusaid, movttiidahtti bargoservoša ja čeahpes kollegaid ja maiddá dárbbášlaš dievasmahtinskuvlema barggu dikšuma várás.

Leat gelbbolaš beaiveruovttuhoavdda bargui, juos dus lea dohkálašvuohta árrabajásgeassima oahpaheaddji dahje sosionoma bargui ja uhcimustá pedagogihka magistara dutkkus ja maiddá doarvá buorre jođihandáidu, juos gelbbolašvuohta ii beaiveruovttu hoavdda bargui mearrašuva árrabajásgeassinlága 75 §:a sirdásannjuolggadusa mielde (árrabajásgeassinláhka 540/2018).

Bargu álgá sadjásašvuođain áigodagas 15.3.-5.5.2021 ja rievdá fásta doaimman 6.5.2021 rájes. Beaiveruovttuhoavdda bargobálká lea 2954,51 €/mb. Lassin máksojuvvojit Anár-lassi 3%, ahkelasit ja vejolaš eará lasit ja Gvbes:a mielásaš ovddut. Bargoáigi lea gaskamearálaččat 38,25 h/vku.

Ovdal doaimma vuostáiváldima galgá doaimmahit dohkálaš doaktárduođastusa dearvvasvuodastis (T-skovvi) sihke oaidnin láhkai rihkusregisttarlága 6 §:a 2 mo-meanttas dárkkuhuvvon rihkusregisttarváldosa. Doaimmas lea 4 mb:a geahččalanáigi.

Ohcamušat doibmii bargojit **www.kuntarekry.fi** - siidduid bokte. Juos elektrovnnalaš ohcamuša ii leat vejolaš bargat, doaimmat ohcamuša áigemeari rádjai čujuhussii: Anára gieldda, árrabajásgeassin, Piiskuntie 2, 99800 Avvil.

Go ohcanáigi nohká, lágidat bargojearahallamiid, gosa sáddejuvvo bovdehus sierra. Gelbbolašvuodáduođastusat ja eará duođastusat doaimmahuvvojit bivdaga mielde. Anára gieldda lea suovahis bargosearvvuš.

Lassidiedut:

Árrabajásgeassinhoavda Pirkko Saarela tel. 040 7441259

Beaiveruovttuhoavda vs. Varpu Falck tel. 040 1533971

Šleađgapoastačujuhus: etunimi.sukunimi@inari.fi

Avvilis 8.2.2021 árrabajásgeassinhoavda Pirkko Saarela

Almmuhus almmustahttojuvvo ollásit www.kuntarekry.fi - siidduin, ja ruoktosiidduin www.inari.fi.

